

BRÁÐABIRGÐALÖG

um heimild fyrir ríkisstjórnina til lántöku vegna kaupa á þyrlu.

FORSETI ÍSLANDS

gjörir kunnugt: Fjármálaráðherra hefur tjáð mér, að ríkisstjórnin hafi samþykkt að stofna til kaupa á þyrlu af meðalstærð fyrir Landhelgisgæzluna, til notkunar við landhelgisgæzlu, björgunarstörf og önnur hjálparstörf, og möguleiki sé á að afla innlends láns til þeirra kaupa.

Með því að ég fellst á, að brýna nauðsyn beri til að gefa út bráðabirgðalög um heimild til framangreindrar lántöku, eru hér með sett bráðabirgðalög samkvæmt 28. gr. stjórnarskrárinnar, á þessa leið:

1. gr.

Ríkisstjórninni heimilast að taka lán allt að 26 millj. kr. vegna kaupa á þyrlu.

2. gr.

Lög þessi öðlast þegar gildi.

Gjört að Bessastöðum, 4. júní 1971.

Kristján Eldjárn.

(L. S.)

Magnús Jónsson.

22. júní 1971.

Nr. 72.

AUGLÝSING

um staðfesting forseta Íslands á breytingu á reglugerð nr. 76/1958
fyrir Háskóla Íslands, með áorðnum breytingum.

Forseti Íslands féllst hinn 7. apríl 1971 á tillögu menntamálaráðherra um að staðfesta eftirfarandi breyting á reglugerð nr. 76/1958 fyrir Háskóla Íslands, með áorðnum breytingum:

1. gr.

Á eftir X. kafla komi nýr kafli, er verður XI. kafli og hljóðar svo sem segir hér á eftir, en núverandi XI. kafli verður XII. kafli, og raðtölur lokagreina reglugerðarinnar breytast í samræmi við það.

„XI. KAFLI

Almenn þjóðfélagsfræði.

a. Stjórnarfarsleg tilhögun.

88. gr.

Kennsla í almennum þjóðfélagsfræðum fer fram á vegum sjálfstæðrar námsbrautar við Háskólann, sem byggð er á samstarfi milli háskóladeilda um yfirstjórn, og um kennslu eftir því sem við verður komið.

89. gr.

Þegar háskólaráð fjallar um málefni námsbrautarinnar, skal boða formann námsstjórnar eða þann, er hann kveður til úr hópi kennara í námsstjórn, á ráðsfund, og hefur hann þar fullt málfrelsi og tillögurétt.

90. gr.

Áður en lögum eða reglugerðarákvæðum, er varða námsbrautina, er breytt eða við þau aukið, skal leita álits námsstjórnar. Námsstjórn getur og að eigin frumkvæði gert tillögur til háskólaráðs um slíkar breytingar.

91. gr.

Kennsla í aðalgreinum almennra þjóðfélagsfræða fer fram á vegum námsbrautarinnar. Aðrar kennslugreinar almennra þjóðfélagsfræða má sækja til hinna ýmsu deilda skólans, þegar því verður við komið. Þó er heimilt að skipa eða ráða kennara í þær greinar sérstaklega.

92. gr.

Námsstjórn getur heimilað stúdentum utan námsbrautarinnar, að ljúka allt að 45 námseiningum í kennslugreinum námsbrautarinnar, þannig að tiltekinn fjöldi námseininga svari til ákveðins stigafjölda í almennu BA-námi eða annars til ákveðins námshluta, enda liggi fyrir samþykki hlutaðeigandi deildar. Skal hvert stig til almenns BA-prófs (í heimspekideild) svara sem næst til 15 námseininga. Val námskeiða skal háð reglum, er námsstjórn setur.

Einstök námskeið námsbrautarinnar geta verið liður í kjörnámi stúdenta í hinum einstöku deildum eftir reglum, er hlutaðeigandi deildir setja.

93. gr.

Námsbrautin skal vera sérstakt viðfangsefni í fjárlagalið Háskólans.

Kostnað af kennslu, sem námsbrautin sækir til deilda Háskólans, má færa á hennar reikning í samráði við hlutaðeigandi deildir og háskólaritara.

b. Skipan námsstjórnar.

94. gr.

Námsbrautin lýtur sérstakri námsstjórn. Í henni eiga sæti fastráðnir kennarar við námsbrautina, einn fulltrúi tilnefndur til tveggja ára af forseta viðskiptadeildar úr hópi prófessora deildarinnar, og er hann formaður, tveir fulltrúar tilnefndir af háskólaráði til tveggja ára úr hópi prófessora, dósentar og lektora, og tveir fulltrúar stúdenta tilnefndir af aðalfundi félags stúdenta í almennum þjóðfélagsfræðum.

Við tilnefningu í námsstjórn skal háskólaráð leitast við að tilnefna kennara í kennslugreinum, sem mikilvægar eru á námsbrautinni og ekki eiga þegar fulltrúa í stjórninni.

c. Hlutverk og starfshættir námsstjórnar.

95. gr.

Þegar fjallað er um umsóknir um fastar kennarastöður við námsbrautina, gegnir námsstjórn hlutverki háskóladeildar samkv. 11. gr. laga nr. 84/1970, og eiga fulltrúar stúdenta í námsstjórn þá ekki atkvæðisrétt.

Námsstjórn getur ráðið stundakennara eftir því sem fé er veitt til á fjárlögum.

96. gr.

Námsstjórn heldur fundi eftir þörfum, en skylt er að boða til fundar, ef rektor eða þriðjungur þeirra, er rétt eiga á fundarsetu, æskja fundar.

Formaður námsstjórnar boðar fundi með hæfilegum fyrirvara. Fundarefni skal greina í fundarboði.

Fundur er ályktunarfær, ef hann sækja eigi færri en helmingur atkvæðisbærna manna. Afl atkvæða ræður úrslitum mála.

Bókfæra skal fundargerð á hverjum fundi, og skal lesa hana og staðfesta, áður en fundi er slitið.

Nú er fjallað sérstaklega um kennslugreinar kennara, sem ekki eiga sæti á fundum námsstjórnar, og skal formaður þá boða þá á fund og gefa þeim kost á að ræða það málefni, en atkvæðisrétt eiga þeir ekki.

97. gr.

Formaður námsstjórnar hlutast til um, að samin sé í tæka tíð skrá um fyrirhugaða kennslu á kennslumisseri því, sem í hönd fer.

98. gr.

Námsstjórn semur lestrar- og kennsluáætlun. Skal fjölrita hana eða prenta og afhenda nemendum, er þeir hefja nám sitt.

Í kennsluáætlun skal greina, hvaða námsgreinar kenndar eru, hvernig þeim er skipt í námskeið, hve námstíminn er áætlaður langur í heild og í hverjum prófhłuta um sig. Enn fremur skal lýsa þar kennsluháttum og prófháttum. Getið skal kennslurita og annarra rita, sem æskilegt er, að stúdent kynni sér í námi sínu, og almennt greint frá náminu, eftir því sem þörf þykir.

Að því leyti sem kennsla fer fram utan námsbrautarinnar á vegum einstakra deilda skal samráð haft við deildirnar um kennsluáætlunina.

99. gr.

Námsstjórn gerir áætlanir um húsnaðis-, kennslu- og fjárþarfir námsbrautarinnar og gerir tillögur um þau efni til háskólaráðs.

100. gr.

Námsstjórn sér um próf og ræður tilhögun þeirra, að svo miklu leyti sem ekki eru sett um það bindandi ákvæði í lögum eða reglugerð.

Próf í kennslugreinum, sem sóttar eru út fyrir námsbrautina, hlíta prófreglum hlutaðeigandi deildar.

101. gr.

Námsstjórn ákveður, hvort eða að hve miklu leyti kennsla skuli fara fram, meðan á prófum stendur.

102. gr.

Að öðru leyti en að framan greinir annast námsstjórn þau verkefni, sem deildum eru falin í IV. og V. kafla l. nr. 84/1970 og í samráði við deildirnar eftir því sem við getur átt.

d. Félag stúdenta í almennum þjóðfélagsfræðum.

103. gr.

Félag stúdenta í almennum þjóðfélagsfræðum skal bera sömu skyldur og njóta sömu réttinda og deildarfélag stúdenta skv. háskólalögum og reglugerð Háskólans. Einn fulltrúi stúdenta í námsstjórn á atkvæðisrétt við rektorskjör eftir ákvörðun aðalfundar í námsbrautarfélaginu.

e. Námstilhögun og próf.

104. gr.

Kennslugreinar eru þessar:

- 1.1. Félagsfræði.
- 1.2. Stjórn málafræði.
- 2.1. Hagfræði.

2.2. Sálarfærði.**2.3. Tölfrærði.****3.1. Kjörsvið.****4.1. Sérstakar kjörgreinar.****105. gr.**

Hverri kennslugrein er skipt í námskeið. Námsmagn hvers námskeiðs er metið í námseiningum (e), þannig að hver eining svari sem næst til einnar misserisviku-stundar.

Skiptingu í námskeið og mat þeirra til námseininga ákveður námsstjórnin.

Um hvert námskeið má námsstjórn gera það skilyrði, að á undan því sé lokið tilteknum námskeiðum öðrum.

106. gr.

Námsbrautin stefnir að almennum baccalaureus-prófi í almennum þjóðfélagsfræðum. Sá, er fullnaðarprófi lýkur frá námsbrautinni, ber heitið baccalaureus artium (B.A.) í almennum þjóðfélagsfræðum.

Að loknu fullnaðarprófi skal baccalaureus fá prófskírteini, sem formaður námsstjórnar undirritar.

107. gr.

Til B.A.-prófs í almennum þjóðfélagsfræðum skal ljúka námskeiðum og prófum, sem þeim fylgja, svo að nemi a. m. k. 90 e. Þar af skal tiltekinn fjöldi, allt að 30 e, vera í undirbúningsnámskeiðum, tiltekinn lágmarksfjöldi í einni grein, aðalgrein, og tiltekinn lágmarksfjöldi á kjörsviði aðalgreinar. Þeim einingum, sem þá eru umfram, skal verja í frjálst kjörnám.

108. gr.

Skylt er stúdentum, að ljúka undirbúningsnámskeiðum í félagsfræði, stjórn-málafræði, sálarfærði, hagfræði og tölfræði.

Námsstjórn ákveður nánar námsmagn hvers námskeiðs. Stefnt skal að því, að nám á undirbúningsnámskeiðunum sé sem mest sameiginlegt öllum stúdentum í almennum þjóðfélagsfræðum.

Stúdent skal hafa lokið undirbúningsnámskeiðum innan þriggja missera frá skrásetningu. Ef út af bregður, skal má nafn hans af stúdentaskrá námsbrautarinnar, nema alveg sérstaklega standi á, enda er þá námsstjórn heimilt að veita undanþágu.

109. gr.

Aðalgreinar almennra þjóðfélagsfræða eru félagsfræði og stjórn-málafræði.

Námsstjórn ákveður námskeiðaskiptingu innan aðalgreina og hvert skuli vera námsmagn hvers námskeiðs.

Námskeið í skyldukjarna hvorrar aðalgreinar um sig eru sameiginleg öllum stúdentum í þeirri grein. Stefnt skal þó að því að taka sem ríkast tillit til sérþarfa hvers stúdents, og skulu kennsluhættir sem mest við það miðaðir.

110. gr.

Stúdentum skal gefinn kostur á að velja milli nokkurra kjörsviða í aðalgrein eða í tengslum við hana. Í því skyni má sækja kennslu til háskóladeildanna að meira eða minna leyti og í samráði við þær.

Námsstjórn ákveður kjörsvið, námskeið hvers kjörsviðs og hvert skuli vera námsmagn hvers námskeiðs.

111. gr.

Sérstakt kjörnám er stúdent heimilt að stunda utan námsbrautar við hinar ýmsu deildir skólans, með samþykki kennara í aðalgrein, er umsjón hefur með námi stúdents.

112. gr.

Fullnaðarprófi skal stúdent hafa lokið innan 8 missera frá skrásetningu. Ef stúdent lýkur ekki prófi skv. framansögðu skal má nafn hans af stúdentaskrá námsbrautarinnar, nema alveg sérstaklega standi á, enda er þá námsstjórn heimilt að veita undanþágu.

113. gr.

Námsstjórn er heimilt að setja reglur um leiðbeiningar og umsjón með námi stúdenta, um skyldu þeirra til að leysa verkefni og taka þátt í æfingum í tengslum við kennsluna og um skyldu þeirra til að halda seminarerindi og skila ritgerðum um afmörkuð efni.

114. gr.

Próf skal halda í lok beggja missera, í janúar og maí—júní. Heimilt er námsstjórn þó að halda próf á öðrum tímum.

115. gr.

Skriflegt próf skal haldið úr námsefni hvers námskeiðs, og skal það vera sérstakur prófhliði, þannig að stúdent þarf lágmarkseinkunnina 7 í honum. Heimilt er samkvæmt ákvörðun námsstjórnar, að ritgerð komi að einhverju eða öllu leyti í stað prófs. Heimilt er að halda auk þess munnlegt lokapróf í aðalgrein, sem að einkunnagildi samsvari 10 námseiningum, þannig að 100 e. komi til útreiknings loka-einkunnar. Lokaeinkunn er meðaltal einstakra einkunna, vegið í hlutfalli við náms-einingafjölda.

Heimilt er með leyfi háskólaráðs að prófa í einu lagi úr námsefni fleiri námskeiða en eins, svo og að ákveða að próf úr námsefni tiltekinna námskeiða skuli vera forpróf.

Heimilt er með leyfi háskólaráðs að gefa einkunnir eftir öðrum einkunnastiga en stofneinkunnum Háskólans.

Ákvæði til bráðabirgða.

Reglur um kjörsvið gilda ekki um þá stúdenta, sem eftir ákvörðun námsstjórnar teljast á 2. ári náms haustið 1970.“

2. gr.

Reglugerð þessi er sett samkvæmt 41. gr. laga nr. 84/1970, um Háskóla Íslands, sbr. 1. gr. laga nr. 112/1970, um breyting á þeim lögum, og öðlast hún þegar gildi.

Í menntamálaráðuneytinu, 22. júní 1971.

Gylfi Þ. Gíslason.

Birgir Thorlacius.

25. júní 1971.

Nr. 73.

AUGLÝSING

um staðfesting forseta Íslands á breytingu á reglugerð nr. 76/1958 fyrir Háskóla Íslands, með áorðnum breytingum.

Forseti Íslands féllst hinn 23. júní 1971 á tillögu menntamálaráðherra um að staðfesta eftirfarandi breyting á reglugerð nr. 76/1958 fyrir Háskóla Íslands með áorðnum breytingum:

1. gr.

Í A- og B-liðum 32. gr. verði sú breyting, þar sem ræðir um skrásetningargjald (skráningargjald), að í stað orðanna „1 000 krónur“ komi „1 500 krónur“.